

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Meditationum evangelicarum volumen tripartitum

Creidius, Hartmann

Francofurti ad Moenum, 1682

De secundo

[urn:nbn:de:bsz:31-122776](#)

3. Convivium instituendo, quo declarat

1. Gratitudinem erga Christum. Vocaverat ipsum Christus ad cœnā spiritualem, & beneficiorum coelestium participem fecerat, utpote sunt remissio peccatorum, justitia, vita & salus æterna. Hinc ad gratitudinem se obligatum agnoscit, & quia nihil habet aliud, quo animum suum explicet, convivium instituit, & Christum cum suis invitat discipulis. Ita fidem suam factis demonstrat, quod ab omnibus verè Christianis requiritur, Jac.2. v.18.

Pati gratiâ donati sumus. Ergò Christum inviteat Vos mei, corda aperiendo, & CHRISTUM pulsantem intrommittendo, Apoc.3. vers.20. pauperibus beneficiendo, Luc.14. vers.13. Pastoribus tuis pro cibo spirituali in verbo & Sacramentis, necessariam alimentationem suppeditando, tunc ipse olim in vita æterna convivio pinguium medullatorum, & vini defecati iterum te excipiat, Esa.25.v.6.65.v.14.

2. Charitatem erga proximum. Nam multos etiam publicanos & peccatores invitat, ut suo ipsis exemplo ad consimilem vitæ emendationem alliceret, & Christo occasionem subministraret ad cœterorum, quoque sui ordinis hominum publicanorum & peccatorum conversionem, quam ex frugifera conversatione colloquioque Christi fecuturam non temere divinabat.

Hæc est natura & proprietas fidei salvificæ, ut per charitatem in apricum prodire soleat, Gal.5. v.6. Gratia ergo Dei conversus, converte etiam alios, id quod David spondet Domino, Psalm.51.vers.15. Christus Petro præcipit, Luc.22.vers.32. Paulus monet, Gal.6. v.1. hoc est optimum beneficium, quod proximo exhibere possumus, &

superat omnes thesauros quibus mundus inhiat, & operiet multitudinem peccatorum, Jac.5.v.ult.

De Secundo.

FUit Matthæi vocatio, succedit Pharisæorum murmuratio. Postquam enim vident Christum cum publicanis & peccatoribus in convivio Matthæi accumbere, & humaniter conversari ἐγγένετο οὐ γεματός, inquit Lucas, c.5. v.30. & dicebant ad discipulos ejus: Cur cum publicanis & peccatoribus vescitur Magister vester?

Ubi nobis observanda venit

I. Calumnia atrocitas, quæ satis appetat

I. Ex modo. Non enim CHRISTUM ipsum adorantur, quia timent confusione haec tenus saepe reportatam, sed apud discipulos se insinuant, qui infirmi adhuc erant, ut autoritatem Christi vel minuant, vel planè prostituant, ipsosque ad suas iterum partes pertrahere studeant. Habemus hic vivam imaginem omnium hypocitarum & calumniatorum, quibus à tergo proximum maledictis & convitiis proscindere volupet. Hi in Scriptura sunt infames, Sir.5. v.16. seq. & regnum Dei non hæreditabunt, 1. Cor.6. v.10.

2. Ex sono. Nam quid est, inquiunt, quod Magister vester cum publicanis & peccatoribus vescitur? q.d. noscitur ex socio, qui non cognoscitur ex se. Hoc argumentum pulcrum habet speciem. Ideo enim Cananæos planè extirpari voluit Dominus, ne forte peccare facerent Israëlitæ, & fierent ipsis in scandalum, imò prohibuit, ne fœdus inirent, aut amicitiam jungerent cum ipsis Exod.23. vers.32. 34. vers.12. Huc pertinet dictum, Psalm.1.vers.1.50. vers.18. Esa.52.vers.11. Sir.13. vers.1. Sed omni illa

Ecc 3

illa

illa dicta Christum non feriunt, qui conversatur cum publicanis & peccata eorum probet, sed ut ipsos in viam justitiae reducat. Eodem modo adhuc hodie nobis cum impiis & sinceræ religionis hostibus conversari licet, Psalm. 51. v. 15. 1. Petr. 2. v. 12. Obstinati vero post duas vel tres admonitiones fugiendi, Tit. 3. vers. 10. cavendi, Matt. 7. v. 15. & velut Ethnici habendi sunt, Matt. 18. v. 17. Quod qui non observat, sed jugum trahit cum infidelibus, 2. Cor. 6. v. 14. videat ne propter ipsum nomen Dei male audiat, Rom. 2. v. 24. & peccatorum alienorum particeps evadat, 2. Johan. vers. 11. Ephes. 5. vers. 11.

II. *Apologie nervositas*, quam pro defensione personæ suæ & officii, criminationi Scribarum & Phariseorum opponit, alias periculum fuisset, ut vel discipuli vel reliquum auditorum vulgus in fide vacillare inciperet. Tria autem potissimum adhibet argumenta, quibus calumniam Phariseorum retundit:

1. *Desumitur à simili congruo*. Nam qui valent, inquit, non opus habent medico, sed qui male habent. Sententia huc redit: De Messia prædictum est quod Medicum aeternus sit in terris, alligatus contritos corde, & peccatorum vulneribus saucios sanaturus, Esa. 61. vers. 1. Quando igitur operam do, ut peccatores & publicani homines spiritualiter ægri & morbi sanentur & convertantur, usque adeo nihil facio contra officium Messiae, ut potius hoc ipso me verum esse Messiam publicè probem & demonstrem.

Notare hanc Christi sententiam vos mei in consolationem. Omnes post lapsum miseri sumus & ægroti, Esa. 1. v. 6. laborat anima, 1. Cor. 2. v. 14. laborat cor, Gen. 6. v. 5.

laborat voluntas, Rom. 7. v. 19. laborat intellectus, 2. Cor. 3. v. 5. ægri sumus & infirmi corporaliter & spiritualiter. Sed confidite vos mei, Medicum habemus, qui omnes infirmitates nostras sanare potest, Ps. 103. vers. 3. per verbum quod omnia sanat, Sap. 16. v. 12. Hoc igitur agamus, ut cure & regimini ejus nos sponte & prompte in omnibus subjiciamus, & non solùm medicamentis utamur, sed etiam juxta dietam nobis præscriptam vitam nostram instituamus, Mich. 6. v. 8. ne patiamur prius sanati recidivam, quæ pejor solet esse radice, juxta Medicorum sententiam, & Christi ipsius effatum, Joh. 5. v. 14.

2. *à dicto Prophetico*. Nam euntes, inquit, discite quid sit, misericordiam volo, & non sacrificium, v. 13. Testimonium hoc desumptum est ex Of. 6. vers. 6. quo tacite Christus Phariseorum superstitionem perstringit, quâ sacrificiis inhærebant, & opera interum moralia charitatis, misericordie & beneficentiae erga proximum negligebant. Sensus argumenti talis est: Deus ipse præfert misericordiam omnibus Leviticis sacrificiis Of. 6. vers. 6. sed majus charitas & misericordia opus excogitari vix potest quam erantem peccatorem in viam reducere. Ergo iniquè agitis, dum me propterea reprehenditis, quod peccatores & publicanos conversatione mea in viam salutis revocare studeo. Agnosce hinc summam operum charitatis & misericordia necessitatem. Nâ charitas maxima est inter virtutes, sine qua nullum opus, alias bonū, Deo gratum & acceptum esse potest, 1. Cor. 13. v. 13. hinc omnibus & singulis præcipitur, ut misericordiam faciant, unusquisque cum fratre suo, Zach. 7. v. 9. qui non observat, amore Dei etiam destituitur, 1. Joh. 3. v. 17. cap. 4. v. 20.

3. 16

3. *Ab officii proprio.* Non enim veni, inquit ad vocandum justos, sed peccatores ad penitentiam. Per justos, Phariseos intelligit & Scribas, qui propria turgebant justitiam, & se justos esse arbitrabantur. Ita quod ante figuratè sub figura Medici dixerat, nunc detractâ figurâ verbis planis exponit, ostendens, Messiae adventum nunquam promissum esse his, qui vel naturâ justi sunt, qualis inter homines post lapsum reperitur nemo, vel sibi videantur justi, ut Pharisæi olim faciebant, sed soli peccatoribus. Idcirco se, qui munus illud Messiae gerat, venisse propter homines peccatores, non ad confirmandum illos in studio propositoq; peccandi, sed ad vocandum eos ad penitentiam, & consequenter ad æternam salutem.

Egregia certè *consolatio* pro omnibus illis, qui se peccatores esse sentiunt, & de amissis dolent, cupiuntq; sarcinâ peccatorum suorum liberari, ne desperent, sed ad Christum tanquam Dei agnum tollentem peccata mundi, confugiant, & requiem in-

venient pro animabus suis, Matt. ii. v. 28.
29. nam certus sermo, & dignus quem omnibus modis amplectamur, quod Christus Jesus venit in mundum, ut peccatores salvos faceret, 1. Tim. i. v. 15.

Non igitur te deterreat indignitas vel impuritas, quo minus ad ipsum confugere velis. Si dignus es & purus, Salvatorem non indigeres. Sed quia peccator es, à Deo divisus & alienatus, Christus venit in hunc mundum, ut te reconciliaret Patri, & ad penitentiam vocaret. Hoc agnosce grato animo, & vocanti obtempera, ne obicem pone. Qui enim Christum non apprehendit per fidem tanquam Salvatorem, experietur eum in novissimo die, tanquam leverum judicem, qui non amplius vocabit ad penitentiam, sed ad ignem æternum reprobabit omnes illos, qui Evangelio suo non obediverunt, 2. Thessal. i. versicul. 8. Sufficit! O Domine JESU fac nobiscum secundum nomen tuum,

Amen.

In Die S. Michaelis seu Angelorum.

Evangelium Matth. 18. v. II.

LEtulum Salomonis ambiebant sexaginta fortis ex fortibus Israël omnes tenentes gladios, & ad bella doctissimi, uniuseo jusque ensis super femur suum propter timores nocturnos, Cant. 3. v. 7. 8.

Leétulus ille est qualibet fidelis anima, in qua celestis Salomo Christus Jesus per fidem quiescit, Eph. 3. v. 17. fortis sunt beati Angeli, qui lectum illum custodiunt, & castra metantur circa eos, qui timent Dominum, Ps. 34. v. 8. per gladios & enses denotatur Angelorum potentia ultrix, quâ nos

defendunt adversus draconem infernalem, qui in tenebras dominatur, Ephes. 6. v. 12. ut sine metu & periculo dormire possimus. Sunt enim fortis heroës, Ps. 103. v. 20. & ministratorii Spiritus emissi in gratiam eorum, qui salutem hæreditare debent, Ebr. 1. vers. 14.

Hodie festum Angelorum celebrat Ecclesia, non more Pontificio, qui adorant eos: sed ut certus esset dies, quo doctrina de Angelis in Ecclesia proponeretur, & occasio laudis divinae offerretur, quod Deus

Eee 3. nem